

Morning Regional
Dogri News Bulletin

12th September 2024

समं. 09-20 Hrs



Headlines

- जम्मू कश्मीर च असंबली चुनावं गी दिक्खदे होई बक्ख-बक्ख सियासी पार्टिं अपने चुनावी अभियान गी होर तेज करी दित्ता ऐ।
- प्रदेश च त्रीए ते खीरले गेड़ दे चुनावं लेई 10 होर साबका मंत्रिं, विधायकें ते साबका एसएसपी ते बीजेपी दे इक होर बागी नेता होरें अपने नामांकन दाखल कीते न।
- जम्मू कश्मीर थमां पैरालंपिक खेड्डें दे चैंपियन तीरंदाजें शीतल देवी ते राकेश कुमार होरें गी चुनावं आयोग नै मतदाता जागरूकता लेई अपने राष्ट्री पीडब्ल्यूडी आईकॉन घोषत कीता ऐ। जम्मू कश्मीर दे मुख्ख चुनावं अधिकारी होरें इस पैहलकदमी दी सराहना कीती ऐ।
- बसंतगढ़ च होए दे टाकरे च सुरक्षाबलें दऊं पाकिस्तानी आतंकवादिं गी मारी मकाया ऐ।



Campaign Intensified

जम्मू कश्मीर च सियासी पार्टिं औंदे असंबली चुनावं लेई अपने अभियान गी होर तेज करी दित्ता ऐ। प्रदेश च पैहले गेड़ तैह्त 18 सितम्बर गी, दुए गेड़ तैह्त 25 सितम्बर गी ते त्रीए गेड़ तैह्त पैहली अक्टूबर गी मतदान होग। वोटें दी गिनतरी 8 अक्टूबर गी करोआई जाग। प्रदेश च असंबली चुनावं लेई प्रचार करै करदे बीजेपी दे वरिष्ठ नेता ते केन्द्री मंत्री जी.किष्ण रेड्डी होरें लोकसभा च विपक्ष दे नेता राहुल गांधीते कांग्रेस पार्टी पर एह दोश लाया जे उनें जम्मू कश्मीर दी पनबिजली समर्थ दी अनदिक्खी कीती। उनें आखेआ जे कांग्रेस पार्टी दे त्रै पीढीं दे प्रधानमंत्रिं गी एह पता हा जे जम्मू कश्मीर 18 ज्हार मैगावाट पनबिजली उत्पादन दी समर्थ रखदा ऐ पर उनें कदें बी एहदा लाह मुख्ख गी नेई होन दित्ता। उनें राहुल गांधी पर बी त्रिक्खा जबानी हमला कीता। तोआई कांग्रेस पार्टी दे राष्ट्री प्रधान मल्लिकार्जुन खरगे होरें कल अनंतनाग व इक चुनावी रैली ते श्रीनगर च इक संवाददाता सम्मेलन गी संबोधत करदे होई प्रधानमंत्री नरेन्द्र मोदी हुंदी निंदेआ कीती ते आखेआ जे ओह पिछले 10एं बरें दरान पूरी चाल्ली नाकाम रेह न। खरगे होरें आखेआ जे मोदी होरें जेह्डी विकास पैहलकदमियां कीतियां न ओह दम त्रोड़ा करदियां न। बारामुला थमां विधायक इंजीनियर रषीद नै कल जमानत पर तिहाड़ जेल थमां बाहर औने पर प्रधानमंत्री नरेन्द्र मोदी, नैषनल कांफ्रेंस दे नेता उमर अब्दुल्ला ते पीडीपी अध्यक्ष महबूबा मुफ्ती पर त्रिक्खा जबानी हमला कीता। तोआई नैषनल कांफ्रेंस दे प्रधान डॉ. फारुक अब्दुल्ला होरें लोकें गी गुजारष कीती जे ओह बीजेपी ते जेल थमां जमानत पर रिहा नेतां गी हराने लेइ इक जुट होई जान। पीडीपी प्रधान महबूबा मुफ्ती होरें बारामुला थमां सांसद इंजीनियर रषीद गी जमानत पर रिहा कीते जाने दे समें पर सुआल पुट्टेआ ऐ ते आखेआ जे इसी लेइयै उंदे अंदर बड़ा मता शक-शूबा ऐ।



Nominations-3rd Phase

जम्मू संभाग दे 24 असंबली हलकें च त्रीए गेड़ तैह्त पैहली अक्टूबर गी होने आले विधानसभा चुनावं लेई 10 होर साबका मंत्रिं ते विधायकें, डीडीसी मिंबर ते इक साबका एसएसपी सनें तकरीबन 3 दर्जन मेदवारें अपने नामांकन दाखल कीते न। कांग्रेस पार्टी दे मूला राम होरें मढ़ थमां, रमण भलला होरें आर.एस.पुरा-जम्मू साउथ थमां चौधरी लाल सिंह होरें बसोहली थमां, योगेश साहनी होरें जम्मू ईस्ट थमां ते यषपाल कुंडल होरें रामगढ़ थमां नामजदगी दाखल कीती ऐ। इआं गै तरनजीत सिंह टोनी होर बाहु थमां कृष्ण देव सिंह सांबा थमां ते बलवीर सिंह नगरोटा थमां चुनावं मैदान च उतरे न। बीजेपी दी तरफा साबका मंत्री चन्द्र प्रकाश गंगा होरें विजयपुर थमां ते राजीव जसरोटिया होरें जसरोटा थमां नामांकन दाखल कीता। उंदे अलावा साबका विधायक गारू राम भगत होरें सुचेतगढ़ थमां, बलवंत सिंह मनकोटिया चनैनी थमां ते विक्रम रंधावा होरें बाहु थमां नामांकन भरेआ ऐ। बीजेपी दे गै मेदवार डॉ. राजीव भगत होरें बिप्नाह थमां नामांकन भरेआ। इंदे अलावा बीएसपी दे पुष्प सवालिया होरें बाहु थमां, गुरुदेव राज आर.एस.पुरा थमां, शाह मोहम्मद होरें नगरोटा थमां, जगदीष चंदर होरें मढ़ थमां,

बीजेपी दे बागी नेता पवन खजूरिया होरें आजाद मेदवार दे तौर पर उधमपुर ईस्ट थमां नामजदगी आला पर्चा दाखल कीता। साबका एसएसपी मोहन लाल कैथ होरें मढ़ हल्के थमां नामांकन भरेआ ऐ।

<><><><><><>

Congress List Phase 3

जम्मू कश्मीर च विधानसभा चुनाएं आस्तै कांग्रेस नै बी अपने 5एं मेदवारें दी सूचि जारी करी दित्ती ऐ। साबका उपमुख्यमंत्री ते कांग्रेस दे वरिष्ठ नेता ताराचंद छम्ब असैंबली हल्के थमां चुनां लड़गंन। जेकेएस अफसर अषोक भगत जम्मू जिले दे अखनूर असैंबली हल्के दी आरक्षत सीट उप्परा विधानसभा दा चुनां लड़गंन जेकेपीसीसी दे सचिव ते अनुसूचित जाति दे सलाहकार बोर्ड दे साबका उपअध्यक्ष भूशण डोगरा गी सुचेतगढ़ सीट आस्तै मेदवारी दित्ती गई ऐ। वरिष्ठ नेता मीर इकबाल गी बारामुला सीट ते साबका विधायक निजामुद्दीन भट्ट बांडीपोरा थमां चुनां लड़गंन।

<><><><><><>

J&K Nomination

जम्मू कश्मीर दे त्रीए ते खीरले गेड़ दे विधानसभा चुनाएं लेई नामांकन भरने दा अज्ज खीरी ध्याड़ा ऐ। इस गेड़ तैह्त प्रदेश दे 40 असैंबली हल्के च पैहली अक्टूबर गी मतदान होना ऐ। नामांकन पत्रें दी जांच कल कीती जाग ते मेदवार 17 सितम्बर तगर अपने नां वापस लेई सकगंन।

<><><><><><>

Paralympic Archery

पैरालंपिक्स तीरंदाजी चैंपियन शीतल देवी ते राकेश कुमार दी जोड़ी गी देश भरै च मतदाताएं गी प्रेरित करने लेई इकजुट होइयै दिव्यांगजनें लेई चुनां आयोग दे राष्ट्रीय पीडब्ल्यूडी आइकॉन दे तौरा पर चुनेआ गोआ ऐ। कल निव्वचन सदन च आयोजित इक कार्यक्रम च मुख् चुनां आयुक्त राजीव कुमार हुंदे कन्नै चुनां आयुक्त ज्ञानेश कुमार ते डॉ. सुखबीर सिंह संधु होरें अर्जन पुरस्कार विजेता ते ईसीआई दे राष्ट्रीय पीडब्ल्यूडी आइकॉन शीतल देवी दे मिक्स्ड डबल टीम दे साथी राकेश कुमार होरें गी सम्मानित कीता। राकेश कुमार होरें पैरिस पैरालंपिक्स 2024 च कैंह दा तगमा जित्तेआ हा। राकेश कुमार हुंदी इस शानदार उपलब्धि गी दिखदे होई इस मोके पर आयोग नै राकेश कुमार होरें गी पीडब्ल्यूडी लेई ईसीआई राष्ट्रीय आइकॉन दे तौरा पर घोशत कीता ऐ उआं जम्मू कश्मीर दे मुख् चुनां अधिकारी पी.के.पोले होरें बी जम्मू कश्मीर केन्द्र शासत प्रदेश दे निक्के नेह् ग्रां दी रौहने आली शीतल देवी ते राकेश कुमार होरें गी उंदी गैर ममूली उपलब्धिं लेई सम्मान देने लेई चुनां आयोग दी सराहना कीती।

<><><><><><>

SVEEP Ramban

जिला प्रशासन रामबन नै स्वीप पैहलकदमी तैह्त मतदाताएं गी जागरूक करने ते चुनां च मती बद्ध भागीदारी गी जकीनी बनाने दे सिलसिले च कैंप दा आयोजन कीता। जेह्दे च बक्ख-बक्ख गतिविधिं दे कार्यक्रमें राएं आम लोकें गी मतदान दे महत्व बारे दस्सेआ, उनेंगी मतदान च बधी-चढ़ियै हिस्सा लैने लेई प्रेरित कीता। इस मौके पर संगक थेटर गुप आस्सेआ इक नुक्कड़ नाटक बी पेष कीता गोआ। इस मौके बड़ी बद्ध गिनतरी च लोक शामिल होए जिनेंगी मतदान दे महत्व बारे जागरूक कीता गोआ। इस पैहलकदमी दा मुख् मकसद युवाएं गी मतदान दे महत्व बारे जानकारी देना ते उनेंगी प्रोत्साहित करने पर जोर दित्ता गोआ जे ओह् 18 सितम्बर गी होने आले औंदे चुनाएं च अपने सब्बने परोआर दे सदस्यें ते गोंआंढिं दी 100 फीसद हिस्सेदारी गी जकीनी बनान।

<><><><><><>

Terrorists

सुरक्षाबलें कल उधमपुर दे बसंतगढ़ इलाके च कठुआ च चले दे टाकरे दरान जैषे मोहम्मद कन्नै जुड़े दे दऊं आतंकवादिं गी मारी मकाया ऐ। घटना आली थाहरा पर जेड़ियां दो लोथां हासल होइयां न, जिंदे बारे च मन्नेआ जा'रदा ऐ जे ओह् पाकिस्तान दियां न। मरोने आले आतंकवादिं शा इक एम-4 कारबाइन, इक एके-रैफल, 1 पिस्तोल ते बड़े मते असले दे कन्नै किष खाने-पीने आली चीजां बरामद होइयां न। घने जंगली इलाके च एह् पैहला सफल टाकरा रेआ ऐ जेह्दे दऊं आतंकवादिं गी मारी मकाया ऐ। पिछले 6एं म्हीने थमां अद्धे दर्जनें थमां बद्ध टाकरे होए जिंदे च 28 अप्रैल गी इक ग्रां दा

रक्षा गार्ड ते 19 अगस्त गी सीआरपीएफ दे इन्स्पैक्टर शहीद होई गे हे। अधिकारिणं दस्सेहआ ऐ जे सूह दे मताबक इक होर आतंकवादी खंडारा इलाके च छप्पे दा ऐ जिशी मारी सुट्टने आस्तै कोषष जारी ऐ। रक्षा प्रवक्ता नै इक ब्यान च दस्सेआ ऐ जे सेना दी ल्ख त्पेपदह जंत ब्यतचे(9 ब्यतचे) नै इस घटना गी अंजाम दिक्ता ऐ। इससै दरान पाकिस्तानी फौज आस्सेआ बिना भडकावे आली गोलीबारी दरान बीएसएफ दा इक जवान जख्मी होई गेआ ऐ। बीएसएफ दे जवानें बी जवाबी कारवाई करदे होई तुरत बनकदा परता दिक्ता।

<><><><><><>

Tarang Shakti

भारती वायु सेना जोधपुर च केई मुखें दे अपने सब्बनें थमां बड्डे युद्ध अभ्यास चा इक तरंग शक्ति दा आयोजन करै करदी ऐ। इसदे कन्नै गै वायु सेना भारत रक्षा विमानन प्रदर्शनी आईडीएएक्स-24 दा बी सरिस्ता करै करदी ऐ। एहदा उद्घाटन रक्षा मंत्री राजनाथ सिंह होर अज्ज करडन। 12 थमां 14 सितम्बर तगर आयोजित प्रदर्शनी च बक्ख-बक्ख उत्पादें ते तकनीकें कन्नै रक्षा उद्योग दी हिस्सेदारी रौहग। इसदे च विदेशी मित्र मुखें ते भारती दर्शकें गी सार्वजनिक खेत्तर दे रक्षा उपक्रमें, रक्षा अनुसंधान ते विकास संगठन ते भारती विमानन उद्योग कन्नै सरबंधत प्रतिभागिणं कन्नै मलाटी करने ते उंदे कन्नै गल्लबात करने दा मौका मिलोग। आईडीएएक्स दा मकसद तरंग शक्ति च हिस्सा लैने आहली वैश्विक वायु सेनाएं दे फ़ैसला करने आहले ते अखीर च इस्तेमाल करने दे सामने भारती विमानन उद्योग दे स्वदेशी कौशल गी प्रदर्शित करना ऐ।

<><><><><><>

Show Cause

जम्मू दे जिला चुनां अधिकारी सचिन कुमार वैष्य होरें कल चुनावी ड्यूटी आले सिखलाई कार्यक्रम च हिस्सा नेई लेने आले सरकारी मलाजमें खलाफ कारवाई शुरू करी दिक्ती ऐ। कन्ट्रोलिंग अफसरें ते गैर हाजर मुलाजमें गी कारण दस्सो नोटिस जारी कीते गे न। उंदे परते हासल होने परैंत उंदे खलाफ अनुषासनात्मक कारवाई कीती जाई सकदी ऐ। जिला चुनां अधिकारी होरें चुनावी प्रक्रिया दरान चुनां आयोग दे दिषा-निर्देषे दी पालमा दे महत्व पर जोर पाया ऐ।

<><><><><><>

